



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 150. Classis a Rege Lusitaniæ contra Turcas in Italiam missa

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

Sæcul. XV. bebatur, favebatque eidem Soror ejus
 A.C. 1457. Blanca, tanta Patris indignatione, ut eo,
 legitimo licet hærede, excluso Regnum
 in Comitem Fuxensem generum suum
 transferre cogitaret. Adeo autem Na-
 varrensis displicuit hoc consilium, ut
 illud elufuri, Carolum Pampelonis Re-
 gem proclamarent, etsi itinere ad Patrum
 suum Alphonsum in Italiam suscepto
 tunc abesset. Hæc non levia quoque
 erant Turcici belli obstacula; nec minus
 oberat bellum ab Henrico neo-electo Ca-
 stellæ Rege adversus Mauros susce-
 ptum, propter quod ingentes collegit co-
 pias, quibus tamen nil nisi agrorum vasta-
 tiones, ac incendia intulit, nec unquam ur-
 bem recuperavit, tanto Castellorum
 dolore, atque pudore, ut ipsum Regem
 captivitati tradere molirentur, quæ tamen
 consilia ipse festino ad tutiora recessu
 elusit. Ceterum Alphonsum Italici soli
 amoenitate adeo delectabatur, ut nunquam
 in Hispaniam redire voluerit, quamvis
 plurimorum votis exoptatus, ejusque
 præsentia oppido necessaria esset, ut Na-
 varræ Regem fratrem suum cum Nepo-
 te conciliaret.

§. CL.

*Classis a Rege Lusitanice contra Turcas
 in Italiam missa.*

Rex Lusitanicæ ceteris Religionis zelo
 arden-

ardentior validam classẽ destinavit in Italiam, quam reliquorum Principum navigiis jungere parabat. Verum hæ suppetiæ suo frustrabantur successu; plurimum enim in Italiæ Principibus fervens Turcas aggrediendi studium remittebat, ac præterea novæ succrescebant turbæ inter Senenses & Genuenses. Lusitani etiam, duce Henrico Alphonfi Regis Patruo, annuis navigationibus usque ad Promontorium bonæ spei, quod ad extrema Africæ litora situm est, procurrebant, Christianæ Religionis studio, aut magis forte ibidem mercaturæ exercendæ desiderio accensi. Tentabat Joannes Castellæ Rex negotium istud impedire, eo obtentu usus, quod illa Africæ litora suarum ditionum pars essent; additis etiam minis, se eidem, ni consilium mutaret, bellum longe atrocissimum illaturum. Reponebant Lusitani, se nihil contra jus, fasque moliri, proin spe lactari, Castellæ Regem, donec juris controversia maturius discuteretur, contra eos haud arma moturum. Finita tamen est lis per Castellæ Regis obitum, & pax contracto connubio Henricum inter Joannis Filium, & Joannam Regis Lusitaniæ sororem utrique Regno reddita est; aliis tamen diffidiis paulo post exortis bellum acrius erupit.